

水經注匯校卷十九 江西新城楊希閔卧雲校本

後 魏 鄺 道 元 撰

渭水

又東過槐里縣南又東澇水從南來注之

渭水逕縣之故城南漢書集注李奇謂之小槐里縣之西城也又東與芒水枝流合水受芒水于竹圃東北流又屈而北入于渭渭水又東北逕黃山宮南即地理志所云縣有黃山宮惠帝二年起者也東方朔傳曰武帝微行西至黃山宮故世謂之遊城也就水注之水出南山就谷北逕大陵西世謂之老子陵昔李耳為周柱史以世衰入戎于此有家事非經證然莊周著書云老聃死秦失弔之三號

水經注匯校 卷十九

而出是非不死之言人稟五行之精氣陰陽有終變亦無不化之理以是推之或復如傳古人許以傳疑故兩存耳就水歷竹圃北與黑水合水上承三泉就水之右三泉奇發言歸一瀆北流左注就水就水又北流注于渭渭水又東合田溪水水出南山田谷北流逕長楊宮西又北逕盩厔縣故城西又東北與一水合水上承盩厔縣南源北逕其縣東又北逕思鄉城西又北注田溪田溪水又北流注于渭水也縣北有蒙龍渠上承渭水于郿縣東逕武功縣為成林渠東逕縣北亦曰靈軹渠河渠書閔案趙本無書字河渠作漳渠蓋据溝洫志漳渠引諸川之文也今存參以為引堵水徐廣曰一作諸川是也渭水又東逕槐里縣故城南縣古犬丘邑也周懿王都之

秦以爲廢丘亦曰舒丘中平元年靈帝封左中郎將皇甫嵩爲侯國縣南對渭水北背通渠史記秦本紀云秦武王三年渭水赤三日秦昭王三十四年渭水又大赤三日洪範五行傳云赤者火色也水盡赤以火沴水也渭水秦大川也陰陽亂秦用嚴刑敗亂之象後項羽入秦封司馬欣爲塞王都櫟陽董翳爲翟王都高奴章邯爲雍王都廢丘居槐里閔案三字舊有而官本去之戴趙本仍有今依戴趙趙又注云是注正釋槐里故重言之校櫟陽高奴加詳焉三字非衍文也爲三秦漢祖北定三秦引水灌城遂滅章邯三年改曰槐里王莽更名槐治也世謂之爲大槐里晉太康中始平郡治也其城遞帶防陸舊渠尙存卽漢書所謂槐里環堤者也東有涌水閔案涌水官本作漏水戴趙本仍作涌今依之出南山

水經注匯校

卷十九

二

赤谷東北流逕長楊宮東宮有長楊樹因以爲名涌水又北歷葦圃西亦謂之仙澤又北逕望仙宮又東北耿谷水注之水發南山耿谷北流與柳泉合東北逕五柞宮西長楊五柞二宮相去八里並以樹名宮亦猶陶氏以五柳立稱何云彭澤爲北人所重如此故張晏曰宮有五柞樹在整屋縣西其水北逕仙澤東又北逕望仙宮東又北與赤水會又北逕思鄉城東又北注渭水渭水又東合甘水何云與十六卷出鹿蹏山者異水出南山甘谷北逕秦文王萇陽宮西又北逕五柞宮東又北逕甘亭西亭閔案亭字依戴本加官本仍舊趙本此句作在甘泉之東在水東鄠縣昔夏啓伐有扈作誓于是亭故馬融曰甘有扈南郊地名也甘水又東得澇水口水出南山澇谷北逕漢宜春觀

東又北逕鄠縣故城西澇水際城北出合美陂水水出宜春觀北東北流注澇水澇水北注甘水而亂流入于渭卽上林故地也東方朔稱武帝建元中微行北至池陽西至黃山南獵長楊東遊宜春夜漏十刻乃出與侍中常侍武騎待詔及隴西北地良家子能騎射者期諸殿下故有期門之號旦明入山下馳射鹿豕狐兔手格熊羆上大驩樂之上乃使大中大夫虞丘壽王與待詔能用算者舉籍阿城以南盤屋以東宜春以西提封頃晦及其賈直屬之南山以爲上林苑東方朔諫秦起阿房而天下亂因陳秦階六符之事上乃拜大中大夫給事中賜黃金百斤卒起上林苑故相如請爲天子遊獵之賦稱烏有先生亡是公而

水經注匯校 卷十九

奏上林也

又東豐水從南來注之

豐水出豐溪西北流分爲二水一水東北流爲枝津一水

西北流又北交水自東入焉又北昆明池水注之又北逕

靈臺西又北至石墩注于渭 案近刻脫此五十五字 地說

云渭水又東與豐水會于短陰山內水所匯處 閱案三字 依趙本據

名勝志引校增宮本戴本仍舊作水會二字 無他高山異巒所有惟原阜石激

而已水上舊有便門橋與便門對直武帝建元三年造張

昌曰 杭氏世駿曰漢書注張昌作服虔如淳作蘇林 橋在長安西北茂陵東如淳

曰去長安四十里渭水又逕太公廟北廟前有太公碑文

字褫缺今無可尋渭水又東北與鄠水合水上承鄠池于

昆明池北周武王之所都也故詩云考卜維王宅是鄠京
維龜正之武王成之自漢武帝穿昆明池于是地基構淪
褫今無可究春秋後傳曰使者鄭容入柏谷關至平舒置
見華山有素車白馬問鄭容安之答曰之咸陽過鄠池見大梓
吾華山君使願託書致鄠池君子之咸陽過鄠池見大梓
下有文石取以欸列梓當有應者以書與之勿妄發致之
得所欲鄭容行至鄠池見一梓下果有文石取以欸梓應
曰諾鄭容如睡覺而見宮闕若王者之居焉謁者出受書
入有頃聞語聲言祖龍死神道茫昧理難辨測故無以精
其幽致矣鄠水又北流西北注與滈池合水出鄠池西而
北流入于鄠毛詩云滈流浪也而世傳以爲水名矣鄭玄

水經注匯校

卷十九

四

曰豐鄠之間水北流也鄠水北逕清洽臺西

閱案舊作溪靈臺朱本改

作漢靈趙本改作清靈今依官本戴本據長安志作清洽又逕磁石門西門在阿房前
悉以磁石爲之故專其目合四夷朝者有隱甲懷刃入門
而脅之以示神故亦曰郤胡門也鄠水又北注于渭渭水

北有杜郵亭去咸陽十七里今名孝里亭中有白起祠嗟
乎有制勝之功慚尹商之仁是地卽其伏劍處也渭水又
東北逕渭城南文穎以爲故咸陽矣秦孝公之所居離宮
也獻公都櫟陽天雨金周太史儋見獻公曰周故與秦國
合而別別五百歲復合合七十歲而霸王出至孝公作咸
陽築冀闕而徙都之故西京賦曰秦里其朔實爲咸陽朱箋
秦里其朔薛綜注里居也朔北也秦地居其北是曰咸陽太史公曰長安故咸陽也漢

高帝更名新城武帝元鼎三年別爲渭城在長安西北渭

水之陽王莽之京城也始隸扶風後並長安南有泚水注

之案考鄭縣東別有泚水此乃潏水也爲關中八川之一從穴不從尢水上承皇子陂于樊

川其地卽杜之樊鄉也漢祖至櫟陽以將軍樊噲灌廢丘

最賜邑于此鄉也其水西北流逕杜縣之杜京西西北流

逕杜伯冢南杜伯與其友左儒仕宣王儒無罪見害杜伯

死之終能報恨于宣王故成公子安五言詩曰誰謂鬼無

知杜伯射宣王泚水又西北逕下杜城卽杜伯國也泚水

又西北枝合故渠渠有二流上承交水合于高陽原而北

逕河池陂東而北注泚水泚水又北與昆明故池會又北

逕秦通六基東又北逕竭水陂東又北得陂水水上承其

水經注匯校 卷十九

陂東北流入于泚水泚水又北逕長安城西與昆明池水

合水上承池于昆明臺故王仲都所居也桓譚新論稱元

帝被病廣求方士漢中送道士王仲都詔問所能對曰能

忍寒暑乃以隆冬盛寒日令袒載駟馬于上林昆明池上

環冰而馳案近刻脫隆冬二字御者厚衣狐裘寒戰而仲都獨

無變色卧于池臺上曛然自若夏大暑日使曝坐環以十

爐火不言熱又身不汗池水北逕鄠京東秦阿房宮西史

記曰秦始皇三十五年以咸陽人多先王之宮小乃作朝

宮于渭南亦曰阿城也始皇先作前殿阿房可坐萬人下

可建五丈旗周馳爲閣道自殿直抵南山表山巔爲闕爲

複道自阿房度渭屬之咸陽象天極閣道絕漢抵營室也

關中記曰阿房殿在長安西南二十里殿東西千步南北三百步庭中受十萬人其水又屈而逕其北東北流注竭水陂陂水北出逕漢武帝建章宮東于鳳闕南東注泚水泚水又北逕鳳闕東三輔黃圖曰建章宮漢武帝造周二十餘里千門萬戶其東鳳闕高七丈五尺俗言貞女樓非也漢武帝故事云闕高二十丈關中記曰建章宮圓闕臨北道有金鳳在闕上高丈餘故號鳳闕也故繁欽建章鳳闕賦曰秦漢規模廓然毀泯惟建章鳳闕巋然獨存雖非象魏之制亦一代之巨觀也泚水又北分爲二水一水東北流一水北逕神明臺東傅子宮室曰上于建章中作神明臺井榦樓咸高五十餘丈皆作懸閣輦道相屬焉三輔

黃圖曰神明臺在建章宮中上有九室今人謂之九子臺卽寶非也泚水又逕漸臺東漢武帝故事曰建章宮北有太液池池中有漸臺高閱案依趙本加高字三十丈漸浸也爲池水

所漸一說星名也南有壁門三層高三十餘丈中殿十二間階陛咸以玉爲之鑄銅鳳五丈飾以黃金樓屋上椽首薄以玉璧因曰璧玉門也泚水又北流注渭亦謂是水爲滴水也故呂忱曰滴水出杜陵縣漢書音義曰滴水聲而非水也亦曰高都水前漢之末王氏五侯大治池宅引泚水入長安城故百姓歌之曰五侯初起曲陽最怒壞決高都竟連五杜土山漸臺像西白虎卽是水也

又東過長安縣北

渭水東分爲二水廣雅曰水自渭出爲梁其猶河之有雍也此瀆東北流逕魏雍州刺史郭淮碑南又東南合一水逕兩石人北秦始皇造橋鐵鑿重不勝故刻石作力士孟賁等像以祭之鑿乃可移動也又東逕陽侯祠北漲輒祠之此神能爲大波故配食河伯也後人以爲鄧艾祠悲哉讒勝道消專忠受害矣此水又東注渭水水上有梁謂之渭橋秦制也亦曰便門橋秦始皇作離宮于渭水南北以象天宮故三輔黃圖曰渭水貫都以象天漢橫橋南度以法牽牛南有長樂宮北有咸陽宮欲通二宮之間故造此橋廣六丈南北三百八十步六十八間七百五十柱百二十二梁橋之南北有堤激立石柱柱南京兆主之柱北馮

水經注匯校 卷十九

翊主之有令丞各領徒千五百人橋之北首壘石水中故謂之石柱橋也舊有村留神像此神嘗與魯班語班令其人出村留曰我貌獯醜卿善圖物容我不能出班于是拱手與言曰出頭見我村留乃出首班于是以腳畫地村留覺之便還沒水故置其像于水惟背以上立水上後董卓入關遂焚此橋魏武帝更修之橋廣三丈六尺村留之像曹公乘馬見之驚又命下之燕丹子曰燕太子丹質于秦秦王遇之無禮乃求歸秦王爲機發之橋欲以陷丹丹過之橋不爲發又一說交龍扶輦而機不發但言案此下有脫文今不知其故處也渭水又東與沆水枝津合水上承沆水東北流還鄧艾祠南又東分爲二水一水東入逍遙園注藕

池池中有臺觀蓮荷被浦秀實可翫其一水北流注于渭
渭水又東逕長安城北漢惠帝元年築六年成卽咸陽也
秦離宮無城故城之王莽更名常安十二門東出北頭第
一門本名宣平門王莽更名春王門正月亭一日東都門
其郭門亦曰東都門卽逢萌挂冠處也第二門本名清明
門一日凱門王莽更名宣德門布恩亭內有藉田倉亦曰
藉田門第三門本名霸城門王莽更名仁壽門無疆亭民
見門色青又名青城門或曰青綺門亦曰青門門外舊出
好瓜昔廣陵人邵平爲秦東陵侯秦破爲布衣種瓜此門
瓜美故世謂之東陵瓜是以阮籍詠懷詩云昔聞東陵瓜
近在青門外連畛拒阡陌子母相鉤帶指謂此門也南出

東頭第一門本名覆盎門王莽更名永清門長茂亭其南
有下杜城應劭曰故杜陵之下聚落也故曰下杜門又曰
端門北對長樂宮第二門本名安門亦曰鼎路門王莽更
名光禮門顯樂亭北對武庫第三門本名平門又曰便門
王莽更名信平門誠正亭一日西安門北對未央宮西出
南頭第一門本名章門王莽更名萬秋門億年亭亦曰光
華門也第二門本名直門王莽更名直道門端路亭故龍
樓門也張晏曰門樓有銅龍三輔黃圖曰長安西出第二
門卽此門也第三門本名西城門亦曰雍門王莽更名章
義門何云今京師西出第二門曰彰義門豈知乃王莽西城門名耶宰相須用讀書人猶信著義亭
其水北入有函里民名曰函里門亦曰突門北出西頭第

一門本名橫門王莽更名霸都門左幽亭如淳曰音光故曰光門其外郭有都門有棘門徐廣曰棘門在渭北孟康曰在長安北秦時宮門也如淳曰三輔黃圖曰棘門在橫門外按漢書徐厲軍于此備匈奴又有通門亥門也第二門本名廚門又曰朝門王莽更名建子門廣世亭一曰高門蘇林曰高門長安城北門也其內有長安廚官在東故名曰廚門也如淳曰今名廣門也第三門本名杜門亦曰利城門王莽更名進和門臨水亭其外有客舍故民曰客舍門又曰洛門也凡此諸門皆通達九達三途洞開隱以金椎周以林木左出右入爲往來之徑行者升降有上下之別漢成帝之爲太子元帝嘗急召之太子出龍樓門不

敢絕馳道西至直城門方乃得度上怪遲問其故以狀對上悅乃著令合太子得絕馳道也渭水東合昆明故渠渠上承昆明池東口東逕河池陂北亦曰女觀陂又東合沱水亦曰漕渠又東逕長安縣南東逕明堂南舊引水爲辟雍處在鼎路門東南七里其制上圓下方九宮十二堂四嚮五室堂北三百步有靈臺是漢平帝元始四年立渠南有漢故園丘成帝建始二年罷雍五時始祀皇天上帝于長安南郊應劭曰天郊在長安南卽此也故渠之北有白亭博望苑漢武帝爲太子立使通賓客從所好也太子巫蠱事發斫杜門東出史良娣死葬于苑北宣帝以爲戾園以倡優千人樂思后園廟故亦曰千鄉故渠又東而北屈

逕青門外與泚水枝渠會渠上承泚水于章門西飛渠引水入城東爲倉池池在未央宮西池中有漸臺漢兵起王莽死于此臺又東逕未央宮北高祖在關東令蕭何成未央宮何斬龍首山而營之山長六十餘里頭臨渭水尾達樊川頭高二十丈尾漸下高五六丈土色赤而堅云昔有黑龍從南山出飲渭水其行道因山成跡山卽基闕不假築高出長安城北有玄武闕卽北闕也東有蒼龍闕闕內有閭闔止車諸門未央殿東有宣室玉堂麒麟含章白虎鳳凰朱雀鸞鸞昭陽諸殿天祿石渠麒麟三閣未央宮北卽桂宮也周十餘里內有明光殿走狗臺柏梁臺舊乘複道用相逕通故張衡西京賦曰鉤陳之外閣道穹隆屬長

樂與明光逕北通于桂宮故渠出二宮之間謂之明渠也又東歷武庫北舊樛里子葬于此樛里子名疾秦惠王異母弟也滑稽多智秦人號曰智囊葬于昭王廟西渭南陰鄉樛里故俗謂之樛里子云我百歲後是有天子之宮夾我墓疾以昭王七年卒葬于渭南章臺東至漢長樂宮在其東未央宮在其西武庫直其墓秦人諺曰力則任鄙智則樛里是也明渠又東逕漢高祖長樂宮北本秦之長樂宮也周二十里殿前列銅人殿西有長信長秋永壽永昌諸殿殿之東北有池池北有層臺俗謂是池爲酒池非也故渠北有樓豎漢京兆尹司馬文預碑故渠又東出城分爲二渠卽漢書所謂王渠者也蘇林曰王渠官渠也猶今

御溝矣。晉灼曰：渠名也在城東覆盜門外一水，逕楊橋下，卽青門橋也。側城北逕鄧艾祠，西而北注渭，今無水。其一水右入昆明，故渠東逕奉明縣，廣城鄉之廉明苑。南史：皇孫及王夫人葬于郭北，宣帝遷苑南，卜以爲悼園。益園民千六百家立奉明縣，以奉二園。園在東都門昌邑王賀自霸御法駕郎中令龔遂驂乘至廣明東都門是也。故渠東北逕漢太尉夏侯嬰冢，西葬日柩馬悲鳴，輕車罔進，下得石槨。銘云：于嗟滕公居此室。案其內有長安尉官至此原下朱謀，故遂葬焉。冢在城東八里，飲馬橋南四里，故時人謂之馬冢。故渠又北分爲二渠，東逕虎圈南而東入霸一水，北合渭，今無水。
案故遂葬焉至此原本說在後陵之西如北一里西字下近刻多從朱謀，璋本

水經注匯校

卷十九

七

截謂之馬冢以上二十三字移于此餘仍舊今考故渠又北以下乃注內敘昆明故渠所終朱氏不察耳

又東過霸陵縣北，霸水從縣西北流注之。

案長安故城在今長安縣西北霸陵

故城在今咸甯縣東鄭縣故城在今華州北而華陰又在其東渭水西來由長安霸陵鄭縣乃至華陰入河原本經文于長安之後次華陰次鄭縣次霸陵接以東入于河近刻多從朱謀璋本長安之後次鄭縣次華陰次霸陵皆失之注內說舛尤甚其所敘成國等渠散在數處漫無首尾紛糾難理今悉以地之方向比次推勘爲之是正

霸者水土地名也。古曰滋水矣。秦穆公霸，世更名滋水爲

霸水，以顯霸功。水出藍田縣藍田谷，所謂多玉者也。西北

有銅谷水，次東有鞞谷水，二水合而西注，又西流入塋水。

塋水又西逕曉關北，歷曉柳城。東西有二城，魏置青塋軍

于城內，世亦謂之青塋城也。秦二世三年，漢祖入自武關

攻秦，趙高遣將距于曉關者也。土地記曰：藍田縣南有曉

關地名曉柳道通荊州晉地道記曰關當上洛縣西北溼水又西北流入霸霸水又北歷藍田川逕藍田縣東竹書紀年梁惠成王三年秦子向命爲藍君蓋子向之故邑也川有漢臨江王榮冢景帝以罪徵之將行祖于江陵北門車軸折父老泣曰吾王不反矣榮至中尉郅都急切責王王年少恐而自殺葬于是川有燕數萬銜土置冢上百姓矜之霸水又左合澹水歷白鹿原東卽霸川之西故芷陽矣史記秦襄王葬芷陽者是也謂之霸上漢文帝葬其上謂之霸陵上有四出道以瀉水在長安東南三十里故王仲宣賦詩云南登霸陵岸迴首望長安漢文帝嘗欲從霸陵上西馳下峻坂袁盎攬轡于此處上曰將軍怯也盎曰

水經注匯校

卷十九

三

臣聞千金之子坐不垂堂百金之子立不倚衡聖人不乘危今馳不測如馬驚車敗奈高廟何上乃止霸水又北長水注之水出杜縣白鹿原其水西北流謂之荆溪又西北左合狗枷川水水有二源西川上承碓山之斫槃谷次東有苦谷二水合而東北流逕風涼原西關中圖曰麗山之西川中有阜名曰風涼原在碓山之陰雍州之福地卽是原也其水傍溪北注原上有漢武帝祠其水右合東川水出南山之石門谷次東有孟谷次東有大谷次東有雀谷次東有土門谷五水北出谷西北歷風涼原東閱案趙本作五水北合而歷風涼原東又北與西川會原爲二水之會亂流北逕宣帝許后陵東北去杜陵十里斯川于是有枸枷之名川東亦

曰白鹿原也上有狗枷堡三秦記曰麗山西有白鹿原
上有狗枷堡秦襄公時有大狗來下閱案大狗趙本作天
狗蓋據長安志改
有賊則狗吠之一堡無患故川得厥目焉川水又北逕杜
陵東元帝初元元年葬宣帝杜陵北去長安五十里陵之
西北有杜縣故城秦武公十一年縣之漢宣帝元康元年
以杜東原上為初陵更名杜縣為杜陵王莽之饒安也其
水又北注荆溪荆溪水又北逕霸縣又有溫泉入焉水發
自原下入荆溪水亂流注于霸俗謂之澆水非也史記音
義文帝出安門注云在霸陵縣有故亭即郡國志所謂長
門亭也史記云霸澆長水也雖不在祠典以近咸陽秦漢
都涇渭長水盡得比大川之禮昔文帝居霸陵北臨厠指

水經注匯校 卷十九

新豐路示慎夫人曰此走邯鄲道也因使慎夫人鼓瑟上
自倚瑟而歌悽愴悲懷顧謂羣臣曰以北山石為櫛用紵
絮斲陳漆其間豈可動哉釋之曰使其中有可欲雖錮南
山猶有隙使無可欲雖無石櫛又何戚焉文帝曰善拜廷
尉韋昭曰高岸夾水為厠今斯原夾二水也案又東過霸
陵縣北至此
原本說在後灌水又北注于渭之後朱謀瑋本霸水又北
訛在又逕藕原東東南注于渭之後今改正
會兩川又北故渠右出焉霸水又北逕王莽九廟南王莽
地皇元年博徵天下工匠壞撤西苑建章諸宮館十餘所
取材瓦以起九廟算及吏民以義入錢穀助成九廟廟殿
皆重屋太初祖廟東西南北各四丈高十七丈餘廟半
之為銅薄櫨飾以金銀雕文窮極百工之巧襍高增下功

費數百巨萬卒死者萬數霸水又北逕枳道在長安縣東

十三里王莽九廟在其南漢世有白蠖羣飛趙云事見漢書元帝紀建

昭元年自東都門過枳道呂后被除于霸上還見倉狗戟脅

于斯道也水上有橋謂之霸橋地皇三年霸橋火災自東

起卒數千以水汎沃救不滅晨熾夕盡王莽惡之下書曰

甲午火橋乙未立春之日也予以神明聖祖黃虞遺統受

命至于地皇四年為十五年正以二年終冬絕滅霸駁之

橋欲以興成新室統一長存之道其名霸橋為長存橋霸

水又北左納漕渠絕霸右出焉東逕霸城北又東逕子楚

陵北皇甫謐曰秦莊王葬于芷陽之麗山京兆東南霸陵

山劉向曰莊王大其名立墳者也戰國策曰莊王字異人

水經注匯校 卷十九

西

更名子楚故世人猶以子楚名陵又東逕新豐縣右會故

渠渠上承霸水東北逕霸城縣故城南漢文帝之霸陵縣

也王莽更之曰水章魏明帝景初元年何云魏明帝景初

譌文字黃字然後漢書方術傳注中引此其誤正同豈唐

初所傳之本已譌謬不可讀耶書不經劉向楊雄之手其

孰為是徙長安金狄重不可致因留霸城南人有見薊子

正哉訓與父老共摩銅人曰正見鑄此時計爾日已近五百年

矣故渠又東北逕劉更始冢西更始二年為赤眉所殺故

侍中劉恭夜往取而埋之光武使司徒鄧禹收葬于霸陵

縣更始尙書僕射行大將軍事鮑永持節安集河東聞更

始死歸世祖累遷司隸校尉行縣經更始墓遂下拜哭盡

哀而去帝問公卿大中大夫張湛曰仁不遺舊忠不忘君

行之高者帝乃釋又東北逕新豐縣右合漕渠漢大司農鄭當時所開也以渭難漕命齊水工徐伯發卒穿渠引渭其渠自昆明池南傍山原東至于河且田且漕大以為便今無水霸水又北逕秦虎圈東列士傳曰秦昭王會魏王魏王不行使朱亥奉璧一雙秦王大怒置朱亥虎圈中亥瞋目視虎背裂血出濺虎虎不敢動卽是處也霸水又北入于渭水渭水又東會成國故渠渠魏尙書左僕射衛臻征蜀所開也號成國渠引以澆田其瀆上承汧水于陳倉東東逕郿及武功槐里縣北渠左有安定梁嚴冢碑碣尙存又東逕漢武帝茂陵南故槐里之茂鄉也應劭曰帝自為陵在長安西北八十餘里漢武帝故事曰帝崩後見形

水經注匯校

卷十九

五

謂陵合薛平曰吾雖失勢猶為汝君奈何令吏卒上吾陵磨刀劍乎自今以後可禁之平頓首謝因不見推問陵傍

果有方石可以為礪吏卒常盜磨刀劍霍光欲斬之張安

世曰神道茫昧不宜為法乃止故阮公詠懷詩曰失勢在

須臾帶劍上吾丘陵之西而北一里案霸水又北會兩川至此句西字止原本

訛在前于嗟滕公居此室下朱謀埠移此即李夫人冢冢

形三成世謂之英陵案英原本及近刻並訛作英三輔黃圖云李夫人墓在茂陵西北一里俗

名英陵 閔案趙本仍作英陵云依黃圖校官本亦依黃圖校然則黃圖有二本一誤一不誤也夫人兄

延年知音尤善歌舞帝愛之每為新聲變曲聞者莫不感

動常侍上起舞歌曰北方有佳人絕世而獨立一顧傾人

城再顧傾人國甯不知傾城復傾國佳人難再得上曰世

豈有此人乎平陽主曰延年女弟上召見之妖麗善歌舞
得幸早卒上憫念之以后禮葬悲思不已賦詩悼傷故渠
又東逕茂陵縣故城南武帝建元二年置地理志曰宣帝
縣焉王莽之宣成也故渠又東逕龍泉北今人謂之溫泉
非也渠北故坂北卽龍淵廟如淳曰三輔黃圖有龍淵宮
今長安城西有其廟處蓋宮之遺也故渠又東逕姜原北
渠北有漢昭帝平陵閱案官本無平字今依戴趙本加東南去長安七十
里又東逕平陵縣故城南地理志曰昭帝置王莽之廣利
也故渠之南有竇氏泉北有徘徊廟又東逕漢大將軍魏
其侯竇嬰冢南又東逕成帝延陵南陵之東北五里卽平
帝康陵坂也故渠又東逕渭陵南元帝永光四年以渭城

壽陵亭原上爲初陵詔不立縣邑又東逕哀帝義陵南又
東逕惠帝安陵南陵北有安陵縣故城地理志曰惠帝置
王莽之嘉平也渠側有杜郵亭又東逕渭城北地理志曰
縣有蘭池宮秦始皇微行逢盜于蘭池今不知所在又東
逕長陵南亦曰長山也秦名天子冢曰山漢曰陵何云山陵正與
皇帝相類故通曰山陵矣風俗通曰陵者天生自然者也今王
公墳壠稱陵春秋左傳曰南陵夏后皋之墓也春秋說題
辭曰丘者墓也冢者種也種墓也羅倚于山分卑尊之名
者也案亦曰長山也下原本及近刻並接以三秦記曰長城北有平原廣數百里民井汲巢居井深五十尺方
接以秦名云云故渠又東逕漢丞相周勃冢南冢北有亞
今訂正移于後夫冢故渠東南謂之周氏曲又東南逕漢景帝陽陵南又

東南注于渭。今無水。渭水又東逕霸城。縣北與高陵分水。水南有定陶恭王廟。傅太后陵。元帝崩。傅昭儀隨王歸國。稱定陶太后。後十年。恭王薨。子代爲王。徵爲太子。太子卽帝位。立恭王寢廟于京師。比宣帝父悼皇故事。元壽元年。傅后崩。合葬渭陵。潘岳關中記。漢帝后同塋。則爲合葬。不共陵也。諸侯皆如之。恭王廟在霸城西北。廟西北卽傅太后陵。不與元帝同塋。渭陵非謂元帝陵也。蓋在渭水之南。故曰渭陵也。陵與元帝齊者。謂同十二丈也。王莽奏毀傅太后冢。冢崩。壓殺數百人。開棺臭聞數里。公卿在位皆阿莽。旨入錢帛。遣子弟及諸生四夷。凡十餘萬人。操持作具。助將作掘傅后冢。二旬皆平。周棘其處。以爲世戒。今其處

積土猶高。世謂之增墀。又亦謂之增阜。俗亦謂之成帝初陵處所未詳也。渭水又逕平阿侯王譚墓。北冢次有碑。左則涇水注之。渭水又東逕鄠縣。西蓋隴西郡之鄠。徙也。渭水又東得白渠枝口。又東與五丈渠合水。出雲陽縣石門山。謂之清水。東南流逕黃嶽山。西又南入襍。襍縣歷原南。出謂之清水口。東南流絕鄭渠。又東南入高陵縣。逕黃白城。西本曲梁宮也。南絕白渠。屈而東流。謂之曲梁水。又東南逕高陵縣。故城北。東南絕白渠。瀆又東南入萬年縣。謂之五丈渠。又逕藕原。東南流注于渭。案故渠又東逕漢丞相周勃冢南。至此原本及近刻並訛。在後白渠首起谷口。尾入櫟陽是也。今無水下考其文義。仍敘成國故渠。其入渭在景陵之東。南渠自西而東。逕漢諸陵。先武帝茂陵。次昭帝平陵。次成帝延陵。次元帝渭陵。次哀帝義陵。次惠帝安陵。次高帝長

陵次景帝陽陵據三輔黃圖所記茂陵在長安城西北八
十里平陵在長安西北七十里延陵在扶風去長安六十
二里渭陵在長安北五十六里義陵在扶風渭城西北原
上去長安四十六里安陵在長安城北三十五里去長陵
十里長陵亦去長安城三十五里陽陵在長安城東北四
十五里注文前後錯紊數處其脈絡條貫可尋又以三輔
黃圖諸陵里數渭水右逕新豐縣故城北東與魚池水會
參之無不脗合

水出麗山東北本導源北流後秦始皇葬于山北水過而
曲行東注北轉始皇造陵取土其地汙深水積成池謂之
魚池也在秦皇陵東北五里周圍四里池水西北流逕始
皇家北秦始皇大興厚葬營建冢壙于麗戎之山一名藍
田其陰多金其陽多玉始皇貪其美名因而葬焉斬山鑿
石下錮三泉以銅爲槨旁行周迴三十餘里上畫天文星
宿之象下以水銀爲四瀆百川五嶽九州具地理之勢宮

觀百官奇器珍寶充滿其中令匠作機弩有所穿近輒射
之以人魚膏爲燈燭取其不滅者久之後宮無子者皆使
殉葬甚眾墳高五丈周迴五里餘作者七十萬人積年方
成而周章百萬之師已至其下乃使章邯領作者以禦難
弗能禁項羽入關發之以三十萬人三十日運物不能窮
關東盜賊銷槨取銅牧人尋羊燒之火延九十日不能滅
北對鴻門十里池水又西北流水之西南有溫泉世以療
疾三秦記曰麗山西北有溫水祭則得入不祭則爛人肉
俗云始皇與神女遊而忤其旨神女唾之生瘡始皇謝之
神女爲出溫水後人因以澆洗瘡張衡溫泉賦序曰余出
麗山觀溫泉浴神井嘉洪澤之普施乃爲之賦云此湯也

不使灼人形體矣池水又逕鴻門西又逕新豐縣故城東故麗戎地也高祖王關中太上皇思東歸故象舊里制茲新邑立城社樹枌榆令街庭若一分置豐民以實茲邑故名之爲新豐也漢靈帝建甯三年改爲都鄉封段熲爲侯國後立陰槃城其水際城北出世謂是水爲陰槃水又北絕漕渠北注于渭渭水又東逕鴻門北舊大道北下坂口名也右有鴻門亭閔案官本脫門字依戴趙本加漢書高祖將見項羽楚漢春秋曰項王在鴻門亞父曰吾使人望沛公其氣衝天五色采相繆或似龍或似雲非人臣之氣可誅之高祖會項羽范增目羽羽不應樊噲杖盾撞人入食豕肩于此羽壯之郡國志曰新豐縣東有鴻門亭者也郭緣生述征記

或云霸城南門曰鴻門也項羽將因會危高祖羽仁而弗斷范增謀而不納項伯終護高祖以獲免既抵霸上遂封漢王按漢書注鴻門在新豐東十七里則霸上應百里按史記項伯夜馳告張良良與俱見高祖仍使夜返考其道里不容得爾今父老傳在霸城南門數十里于理爲得按緣生此記雖歷覽史漢述行涂經見可謂學而不思矣今新豐縣故城東三里有坂長二里餘塹原通道南北洞開有同門狀謂之鴻門孟康言在新豐東十七里無之蓋指縣治而言非謂城也自新豐故城西至霸城五十里霸城西十里則霸水西二十里則長安城應劭曰霸水上地名在長安東二十里卽霸城是也高祖舊停軍處東去新豐

既遠何由項伯夜與張良共見高祖乎推此言之知緣生此記乖矣渭水又東石川水南注焉渭水又東戲水注之水出麗山馮公谷東北流又北逕麗戎城東春秋晉獻公五年伐之獲麗姬于是邑麗戎男國也姬姓秦之麗邑矣又北右總三川逕鴻門東又北逕戲亭東應劭曰戲弘農湖縣西界也地隔諸縣不得爲湖縣西案渭水右逕新豐縣故城北至此原本及近刻並訛在南出符石下考鄠縣在今臨潼縣西北新豐故城在臨潼縣東北渭水逕鄠縣而東與新豐地相連比今蘇林曰戲邑名在新豐東南四十里孟康曰乃水改正名也今戲亭是也昔周幽王悅褒姒姒不笑王乃擊鼓舉烽以徵諸侯諸侯至無寇褒姒乃笑王甚悅之及犬戎至王又舉烽以徵諸侯諸侯不至遂敗幽王于戲水之上身

水經注匯校

卷十九

三

死于麗山之北故國語曰幽滅者也漢成帝建始二年造延陵爲初陵以爲非吉于霸曲亭南更營之鴻嘉元年于新豐戲鄉爲昌陵縣以奉初陵永始元年詔以昌陵卑下客土疏惡不可爲萬歲居其罷陵作令吏民反故徙將作大匠解萬年燉煌關中記曰昌陵在霸城東二十里取土東山與粟同價所費巨萬積年無成卽此處也戲水又北分爲二水並注渭水渭水又東冷水入焉水南出肺浮山蓋麗山連麓而異名也北會三川統歸一壑歷陰槃新豐兩原之間北流注于渭渭水又東酋水南出倒虎山西總五水單流逕秦步高宮東世名市丘城歷新豐原東而北逕步壽宮西又北入渭渭水又東得西陽水又東得東陽

水並南出廣鄉原北垂俱北入渭秦蘇林曰戲邑名至此原本及近刻並訛在後

鄭縣合裴畢字君先立下今考文義乃敘戲水之間渭水又東

逕下邳縣故城南秦伐邳置邳戎于此有上邳故加下也

渭水又東與竹水合水南出竹山北逕媚加谷歷廣鄉原

東俗謂之大赤水北流注于渭渭水又東得白渠口大始

二年趙國中大夫白公奏穿渠引涇水首起谷口出于鄭

渠南名曰白渠民歌之曰田于何所池陽谷口鄭國在前

白渠起後卽水所始也東逕宜春城南又東南逕池陽城

北枝瀆出焉東南歷藕原下又東逕鄠縣故城北東北入

渭今無水白渠又東枝渠出焉東南逕高陵縣故城北地

理志曰左輔都尉治王莽之千春也太康地記謂之曰高

水經注匯校

卷十九

陸也車頻秦書曰苻堅建元十四年高陸縣民穿井得龜

大二尺六寸背文負八卦古字堅以石爲池養之十六年

而死取其骨以問吉凶名爲客龜大卜佐高魯夢客龜言

我將歸江南不遇死于秦魯于夢中自解曰龜三萬六千

歲而終終必亡國之徵也爲謝玄破于淮肥自縊新城浮

圖中秦祚因卽淪矣又東逕櫟陽城北史記秦獻公二年

城櫟陽自雍徙居之十八年雨金于是處也項羽以封司

馬欣爲塞王按漢書高帝克關中始都之王莽之師亭也

後漢建武二年封驃騎大將軍景丹爲侯國丹讓世祖曰

富貴不歸故鄉如衣錦夜行故以封卿白渠又東逕秦孝

公陵北又東南逕居陵城北蓮芍城南又東注金氏陂又

東南注于渭故漢書溝洫志曰白渠首起谷口尾入櫟陽是也今無水案渭水又東逕下邳縣故城南至此原本及近刻並訛在前分卑尊之名者也下考下邳故城在今渭南縣東北直新豐之東鄭縣之西不得雜入成國渠中今改正

又東過鄭縣北

渭水又東逕巒都城北故蕃邑殷契之所居世本曰契居蕃闕駟曰蕃在鄭西然則今巒城是矣俗名之赤城水曰赤水非也苻健入秦據此城以抗杜洪小赤水即山海經之灌水也水出石脆之山北逕蕭加谷干孤柏原西東北流與禹水合水出英山北流與招水相得亂流西北注于灌灌水又北注于渭案經文又東過鄭縣北至此原本訛在前又逕藕原東東南流注于渭後朱謀埠本訛在謂之馬冢後辯詳又東過霸陵縣北下渭水又東西石橋水南出馬

水經注匯校

卷十九

嶺山趙氏一清曰石橋水有二皆出馬嶺山道元兩敘其源流一流逕鄭城西為西石橋水一流逕鄭城東為東石橋水郭緣生云鄭城東西十四里各有石梁者是也積石據其東麗山距其西源

泉上通懸流數十與華岳同體其水北逕鄭城西水上有橋橋雖崩褫舊跡猶存東去鄭城十里故世以橋名水也而北流注于渭闕駟謂之新鄭水渭水又東逕鄭縣故城北史記秦武公十年縣之鄭桓公友之故邑也漢書薛瓚注言周自穆王已下都于西鄭不得以封桓公也幽王既敗虢僧又滅遷居其地國于鄭父之丘是為鄭桓公無封京兆之文余按遷史記考春秋國語世本言周宣王二十二年封庶弟友于鄭又春秋國語並言桓公為周司徒以王室將亂謀于史伯而寄帑與賄于虢僧之間幽王賈于

戲鄭桓公死之平王東遷鄭武公輔王室滅虢僧而兼其
土故周桓公言于王曰我周之東遷晉鄭是依乃遷封于
彼左傳隱公十一年鄭伯謂公孫獲曰吾先君新邑于此
其能與許爭乎是指新鄭爲言矣然班固應劭鄭玄皇甫
謐裴頡王隱闕駟及諸述作者咸以西鄭爲友之始封賢
于薛瓚之單說也無宜違正經而從逸錄矣赤眉樊崇于
郭北設壇祀城陽景王而尊右校卒史劉俠卿牧牛兒盆
子爲帝年十五被髮徒跣爲具絳單衣半頭赤幘直綦履
顧見眾人拜恐畏欲啼號年建世後月餘乘白蓋小車與
崇及尙書一人相隨向鄭北渡渭水卽此處也城南山北
有五部神廟東南向華岳廟前有碑後漢光初四年鄭縣

水經注匯校 卷十九

合河東裴畢字君先立

案渭水又東西石橋水至此原本及近刻並說在又逕符禺之山北

流入于渭下考西石橋水東去鄭城十里西則灌水而符禺之水遠在華陰之東今改正渭水又東與

東石橋水會故沈水也

閱案此沈水戴本作沈水誤今依官本趙本水南出馬

嶺山北流逕武平城東按地理志左馮翊有武城縣王莽

之桓城也石橋水又逕鄭城東水有故石梁述征記曰鄭

城東西十四里各有石梁者也又北逕沈陽城北注于渭

漢書地理志左馮翊有沈陽縣王莽更之曰制昌也蓋藉

水以取稱矣渭水又東敷水注之水南出石山之敷谷北

逕告平城東耆舊所傳言武王伐紂告太平于此何云周顛仙每

云告太平乃出于此故城得厥名非所詳也敷水又北逕集靈宮西

地理志曰華陰縣有集靈宮武帝起故張昶華嶽碑稱漢

武慕其靈築宮在其後而北流注于渭渭水又東糧餘水注之水南出糧餘山之陰北流入于渭俗謂之宣水也渭水又東合黃酸之水世名之爲千渠水水南出升山北流注于渭渭水又東逕平舒城北城側枕渭濱半破淪水南面通衢昔秦始皇之將亡也江神素車白馬道華山下返璧于華陰平舒道曰爲遺鎬池君使者致之乃二十八年渡江所沈璧也卽江神返璧處也渭水之陽卽懷德縣界也城在渭水之北沙苑之南卽懷德縣故城也世謂之高陽城非矣地理志曰禹貢北條荆山在南山下有荆渠卽夏后鑄九鼎處也王莽更縣曰德驪渭水又東逕長城北長澗水注之水南出太華之山側長城東而北流注于渭者也

水經注匯校

卷十九

三

水史記秦孝公元年楚魏與秦接界魏築長城自鄭濱洛者也

又東過華陰縣北

渭水東南

閱案四字依趙本據全氏增

洛水入焉闕駟以爲漆沮之水

也曹瞞傳曰操與馬超隔渭水每渡渭輒爲超騎所衝突地多沙不可築城婁子伯說今寒可起沙爲城以水灌之一宿而成操乃多作縑囊以堙水夜汲作城比明城立于是水之次也渭水逕縣故城北春秋之陰晉也秦惠文王五年改曰甯秦漢高帝八年更名華陰王莽之華壇也縣有華山山海經曰其高五千仞削成而四方遠而望之又若華狀西南有小華山也韓子曰秦昭王令工施鉤梯上

華山以節柏之心為博箭長八尺基長八寸而勒之曰昭
王嘗與天神博于是神仙傳曰中山衛叔卿嘗乘雲車駕
白鹿見漢武帝帝將臣之叔卿不言而去武帝悔求得其
子度世合追其父度世登華山見父與數人博于石上勅
度世合還山層雲秀故能懷靈抱異耳山上有二泉東西
分流至若山雨滂湃洪津汎灑挂溜騰虛直瀉山下有漢
文帝廟廟有石闕數碑一碑是建安中立漢鎮遠將軍段
熲更脩祠堂碑文漢給事黃門侍郎張昶造昶自書之文
帝又刊其碑陰閱案官本脫此二字今依戴趙本加二十餘字二書存垂名
海內又刊侍中司隸校尉鍾繇弘農太守母丘儉姓名廣
六行鬱然脩平是太康八年弘農太守河東衛叔始為華

水經注匯校

卷十九

陰合河東裴仲恂役其逸力脩立壇廟夾道樹柏何云隸釋夾作

引迄于山陰事見永興元年華百石所造碑渭水又東沙

渠水注之水出南山北流西北入長城城自華山北達于

河華嶽銘曰秦晉爭其祠立城建其左者也郭著述征記

指證魏之立長城長城在後不得在斯斯為非矣渠水又

北注于渭案渭水又東與石橋水會至此原本及近刻並訛在前廣鄉原北垂俱北入渭下考石橋水逕鄭城東而廣鄉原在今渭南三秦記曰長城北有平原廣

縣東南于地遠隔今改正

數百里民井汲巢居井深五十尺案此二十四字原本及近刻並訛在前亦曰長

山也下長城訛作長安城考上言長城自華陰達于河即

今華陰縣東長城遺址是也近華山之麓故地高而井深

不得雜入成國渭水又東逕定城北西征記曰城因原立
渠中今改正述征記曰定城去潼關三十里夾道各一城渭水又東泥

泉水注之水出南山靈谷而北流注于渭水也。渭水又東合沙渠水水即符禹之水也。南出符石。案渭水又東逕定城北至此原本及近刻即接渠水。又逕符禹之山北流入于渭。案此十一字原本在長安城北門也。下朱謀埠本訛在灌水。又北注于渭。下符禹訛作觀。愚考其文義係敘符禹之水所終。今改正。

東入于河

春秋之渭汭也。左傳閔公二年虢公敗犬戎于渭隄。服虔曰隄謂汭也。杜預曰水之隈。曲曰汭。王肅云汭入也。呂忱云汭者水相入也。水會即船司空所在矣。地理志曰渭水東至船司空入河。服虔曰縣名都官三輔黃圖有船庫官後改為縣王莽之船利者也。

水經注匯校卷十九終

水經注匯校卷十九

三